

# أعظم قصة صمود في التاريخ | #إيفينت\_سفينة\_نوح | د. حازم

## شومان

حازم شومان

يلا السلام عليكم. يا نهار اسود السلام عليكم. الستات صوتها عالي يا رجالة. حبايب قلبنا ربنا يحفزكم ويبارك فيكم يا رب. وينفع بكم يا رب اللهم امين. وبصراحة صح والله يا اخواني سبحان الله! يعني فيه ناس بتحاول انها تجد المتعة في معصية الله سبحانه وتعالى. الواحد اول ما دخل كده قلبه اتخطف بمنزر التدبر والنيل - [00:00:00](#)

الخضرة اللي على الشط الثاني والصحة الجميلة والجو الاجتماعي الجميل. ومع جو ايماني وصايمين وان شاء الله بازن الله. نيتنا ان احنا اعبد ربنا لحد ما ننزل من هنا هو يا اخوانا يعني المتعة في الدين. يعني مش مضطرين فيه سفن كتير هتلاقوها في النيل الوقتي مع تخت شرقي او بند غربي - [00:00:30](#)

عشان الناس تلاقى متعة ولكن ممكن بعيد عن ترتيب الدين او بعيد عن طاعة ربنا سبحانه وتعالى. احنا بفضل ومنة الله الجو اللي احنا فيه دلوقتي. والسعادة اللي اللي احنا فيها دلوقتي والمتعة اللي احنا فيها دلوقتي بفضل ومنة الله. ممكن ما فيش اي حد يقدر يجيبها من اي سبيل ثاني. وكمان رحلة نيلية. يعني - [00:00:50](#)

ما تتحرك الوقت يا جماعة ولو حصل اي حاجة لو واحد هنا معه مراته هيفكر في نفسه ولا في مراته؟ انا معي مراتي خدوا بالكم لو واحد هنا ما احنا مش عارفين بقى احنا نتحرك في النيل بقى واحنا ونصيبنا ان شاء الله. ربنا يحفزكم ويبارك فيكم. يعني والله يا اخواني واخواتي الكريمات واخواني الكرام - [00:01:10](#)

انا سعيد بهذا اللقاء جدا جدا جدا. والله لو خيرت بين هذا اللقاء وهذا الايفينت وبين مليون دولار والله وان يعلم الله ان انا صادق. انا صايم. خدوا بالكم. لو خيرت ما بين هذا الايفينت وبين مليون دولار يا شيخ عمرو. لاخترت فورا بلا تردد - [00:01:30](#)

انتم معنا بقى انتم قدام ولا ايه؟ احنا عايزين احنا عايزين بلا تردد هنختار ايه؟ يعني لو انت خيرت ما بين صيامك النهاردة وبين مليون جنيه هتختار ايه؟ ما بين ما بين ركعتين تراويح وما بين مليون جنيه هتختار ايه؟ هتختار طاعة ربنا سبحانه وتعالى احنا معنا جوايز يا جماعة - [00:01:50](#)

يعني فيه مية جنيه كده للي ايه؟ للي ها نديها لمين بقى؟ هو المفروض فيه جوايز كتير يعني بس نبدأ بمية جنيه كده. مين اللي زار ثلاث زيارات لارحامه في رمضان ده لحد دلوقتي زار ثلاثة من ارحامه راح لهم البيت وزارهم. وقعد معهم. وجاب لهم هدية. ياخذ مية جنيه - [00:02:10](#)

الباب يا خلف خدت زرت ثلاثة من ارحامك وجبت لهم هدية اطفال هدايا اطفال لأ خد يا عم انت تستاهل والله. خد يا باشا. خد بالك من نفسك واوعى بص يعني انا عايزك تايه عايزك تمسك اعصابك للاخر. ان شاء الله بازن الله. ربنا يبارك فيك وربنا - [00:02:30](#)

اخواني ما شاء الله لا قوة الا بالله. شف لك الحمد ان ربنا في الوقت ده ياذن لنا ان احنا كلنا نجتمع هنا عشان نذكر الله. ونتذاكر نعم ربنا علينا. والله يا اخواني يبقى ربنا فاتح لكم باب رحمته. انت قاعد الوقتي وانت صايم. ابواب الجنة مفتوحة عشانك. ودعاك مستجاب. وريحة - [00:02:50](#)

خلوف الصائم اللي في فمك اطيب عند الله من ريحة الشهيد يوم القيامة. انت الوقتي في اللحزة اللي احنا متقابلين فيها مع بعض دي انت في اعظم لحزة جديدة في حياتك كلها صيام قيام رمضان رمضان يا اخواننا بتاع الابطال. رمضان بتاع الرجالة لان رمضان

بيصنع من الامة دي رجالة. انت في اقرب - [00:03:10](#)

من الله سبحانه وتعالى. انت في اكثر لحزة تقدرى تاخدي فيها قرار انك تقربى من ربنا سبحانه وتعالى قبل ما نبدأ يا شباب قبل ما نبدأ الله مطلع على قلبك ومطلع على قلبك الوقتي ومطلع على قلبي وانا بتكلم معكم. نجدد النية لان الله يطلع على القلوب والنية محلها القلب. نجدد - [00:03:30](#)

النية يا اخواننا قبل ما نبدأ انت قاعدة ليه ؟ انت قاعد ليه ؟ عايزين نقرب منك يا رب. عايزين نسترضيك يا رب. عايزين نرضيك يا رب. عايزينك يا رب عايزين نحبك يا رب. عايزين نعيش عشانك ونموت عشانك يا رب. جايبين يمكن نسمع كلمة تأثر في قلوبنا وتأخذنا بك يا رب - [00:03:50](#)

بين لك يا رب. احنا جايبين لربنا. مش جايبين لحد. احنا جايبين لله سبحانه وتعالى. جددوا النية يا شباب. جددوا النية مع بعض كده. وطبعا كلكم منورينا بفضل ومنة الله. شبابنا وبناتنا وابائنا وامهاتنا. الكل منور بفضل الله سبحانه وتعالى. آآ نوح - [00:04:10](#)

نوح اعزم قصة صمود في التاريخ. نوح اطول قصة دعوة وتضحية في التاريخ. نوح اعظم قصة سبات عبر التاريخ. نوح اطول قصة حب في التاريخ. نوح اعزم قصة صمود في التاريخ يا جماعة - [00:04:30](#)

يعني سيدنا نوح عليه الصلاة والسلام معنا يا اخواني معنا ولا مع الله ؟ خليك مع الله بقى بص ما دام قلبك لقط كده نوح اعزم قصة صمود في التاريخ يا اخواننا. بدأت قصة سيدنا نوح من قبل ما سيدنا نوح اتولد. ركزوا معي. الايفينت ده عنوانه نوح. والكلمة - [00:04:50](#)

بتاعتنا عنوانها توبتين لان احنا هنعرف الوقتي قصة نوح هنتعلم منها ايه. ما عادش غير عشر تيام في رمضان. هم اخطر عشر تيام في رمضان. هم عشر تيام تحدي. عشر تيام عايزين ناخذ فيهم عشرة على عشرة. بازن الله سبحانه وتعالى. عشر تيام ممكن يفرقوا في حياتك وفي حياتك - [00:05:10](#)

ولكن الاول عايزين المدخل للعشرة الاواخر يبقى قصة سيدنا نوح. واحنا في سفينة بنسبها بسفينة نوح في سفن كثير اوي حوالينا. ممكن كله طريق تاني عشان يستمتع. احنا واخدين طريق ربنا. وطريق طاعة ربنا سبحانه وتعالى. اكبر قصة صمود في التاريخ. بدأت قصة نوح. من لحزة - [00:05:30](#)

الوداع اللي سيدنا ادم القاها على باب الجنة بعد ما تعرض لضربة من ابليس بناء على الضربة دي خرج ادم من الجنة كانت نتيجة خسارة الجولة مع الشيطان الخروج من الجنة وادم بيلقي نرزة وداع على قصور الجنة وهو نازل الارض بيلقي نرته ده على الشجرة اللي كل منها - [00:05:50](#)

هو بيقول انت اللي خرجتيني من الجنة ؟ انا خرجت من جنة عرضها السماوات والارض بسببك انت. وهو بيودع سدرة المنتهى. وهو بيودع البيت المعمور، وهو الواد ده عمالك ملك وسما سما انزل يا ادم. انزل بعد ما عرفت مين حبيبك ومين عدوك. انزل يا ادم بعد ما عرفت ابليس خطر قد ايه. انزل يا ادم - [00:06:10](#)

بعد ما اتحصنت في الجولة الثانية لان اللي هيخسر الجولة الثانية مش هيخرج من الجنة ده هيدخل النار. الالف السنين يا ادم مش هتشفو الجنة تاني. ولا هتدخلها لحد ما تنتصر في الجولة الثانية على الشيطان. انزل بعد ما عرفت خطورة الشيطان قد ايه. اول مرة خدت الجنة من غير تمن. الوقتي هتاخذ الجنة بس بعد ما - [00:06:30](#)

ادفع تمن الجنة. تمن الجنة بيتدفع في الارض. انا وانت وانت النهاردة جايبين عشان ندفع تمن الجنة. ينزل سيدنا ادم خمسميت سنة. بيحاول بيحصن البشرية من ابليس. خمسميت سنة بنى الكعبة. وبنى المسجد الاقصى. ينزل ادم ويموت ادم عليه السلام. الف سنة بعد ادم ابليس مش عارف - [00:06:50](#)

يعمل حاجة في الارض مش عارف يوصل للشباب. مش عارف يوصل للنساء. مش عارف يفسد الارض. الارض على التوحيد الكامل. لحد اول فكرة ابليسية واول خطة ابليسية الخطة كانت عبارة عن حفلة سنوية في جولف بورتو مارينا. الخطة كانت عبارة عن ابليس نزل بنفسه - [00:07:10](#)

تمسل في شكل راعي. صوته جميل اوي. وكان يعمل لهم حفلة سنوية. الناس بدأوا ينزلوا ويتقابلوا مع بعض. الشباب يشوفوا البنات. الرجال شوفوا النساء بدأ الاختلاط بدأ الزنا. الارض بدأت تفسد. وبدأ الفساد ينتشر. وبدأ الزنا يستشري. كان فيه رجالة. رفضم ان -  
[00:07:30](#)

يفسدوا مع الفاسدين. كان فيه راجل اسمه واد وراجل اسمه سواع. وراجل اسمه يغوث. وراجل اسمه يعوق. وراجل اسمه نصر. كانوا رجالة حياتهم على على دين ربنا. وعاشوا حياتهم على عبادة ربنا. ماتوا. الشيطان جه للناس. قال لهم الصالحين دول خلاص زكراهم هتموت اعملوا لهم -  
[00:07:50](#)

تماسيل عشان تفضلوا تفتكروهم على طول. وتفتكروا ذكراهم على طول. عملوا لهم تماسيل عشان يفتكروا العبادة. جيل وراء جيل. عبدوا التماسيل جير ورا جيل. الارض كلها فسدت. ما عادش ولا واحد على التوحيد. ما عادش ولا واحد الا وهو مشرك وزاني. على وجه الارض. وهنا -  
[00:08:10](#)

يجي سيدنا نوح بعد ما رقص قلب ابليس من الفرحة اللهم يا رب بني ادم اللي انت طردتني من ملكوت السماوات عشان ما رضيتش اسجد لهم اهم يا رب اسفل سافلين. اهم يا رب كلهم بيتحدوا دينك. وبيتخطوا حدودك يا رب. وفجأة يزهر البطل سيدنا نوح عليه الصلاة والسلام. ينزل يجري -  
[00:08:30](#)

بالكلام عن الله. في الشوارع في النوادي في الكافيهات. في السفن في كل مكان. في الجامعات في الساحات. ينزل يتكلم عن ربنا. اني لكم نذير مبين. ابليس هيتجنن. انا شقى عمري بيروح. انا طلعت روحي. عشان الارض كلها تفصل بالمنظر ده. كل كليب معمول انا -  
[00:08:50](#)

تعبت فيه اكثر من اللي الفه. واللي غناه واللي لحنه واللي وزعه وفرق الرقص اللي حولته لكليب. كل فيلم من الافلام. كل قناة من القنوات الفاسدة انا تعبان لها. انا مخطط لها. كل ستايل لبس بنت ماشية بتفتن الشباب بمفاتها. انا مخطط له قبل ما بيت الازياء يخطط له -  
[00:09:10](#)

كل كافيته كل بنك ربوي انا مخطط للدنيا دي كلها. انا مخطط لجنوح يضيع لي شقى عمري. سيدنا نوح رمز الصمود. جه والارض على الكفر الكامل. ما ماتش غير والارض على التوحيد الكامل. جه والارض ما فيش فيها مؤمن واحد. مات والارض ما فيش فيها كافر واحد. نموزج جبار -  
[00:09:30](#)

صمود جبار. يقرر ابليس ان هو يحارب. هيحارب بروحه وبحياته روح. ما هو انت فاكر ايه ؟ ما هو انت شقى عمره. شقى عمره. الوقت الداعية عن ربنا وابلليس ماسك ودن الشاب يقول له رايح فين ؟ رايح فين ؟ ما انتاش عارف انها سكة خنيقة وهيقلوا لك حرام في حرام رايح فين ؟ سايب المتع والدنيا -  
[00:09:50](#)

الشهوات ورايح فين ؟ رايح فين ؟ ومين قال لك ان السكة دي هي الوحيد الصح ؟ حتى لو انت عايز تمشي في سكة صح يبقى في سكك تانية هتتمتع زي ما انت عايز. وممكن برضو تبقى صاحب -  
[00:10:10](#)

فيها رايح فين ؟ شقى عمره بيقاتل عليه. ابليس يوزع للناس كلها. وقالوا مجنون وازدجر. التوك شوق يشتغل على سيدنا نوح

مجنون! برنامج المجنون! فيلم العيد المجنون عن سيدنا نوح! افلام! تمانية وعشرين قناة توك شو شغالة! مجنون -  
[00:10:20](#)

ده اللي بيقول كده ربنا سبحانه وتعالى بيوصف ابليس عمل في الناس ايه ؟ الطفل كان يقول لابوه طلعتني على كتفك ويزعل سيدنا نوح بالحجارة. كانت الناس يتلموا عليه. يفضلوا يضربوا فيه ويخنقوه لحد ما يحسبوه مات. يلفوه في حاجة ويرموه على الطريق.

يستفيق سيدنا نوح عليه الصلاة والسلام -  
[00:10:40](#)

ينزل يكلم الناس عن ربنا. مرة تانية يقذفوه بالحجارة لحد ما يرموه. يقول اللهم اغفر لقومه فانهم لا يعلمون. صمود سيدنا نوح اية

من آيات الله في الصمود وكانت النتيجة يا شباب وكانت النتيجة الرهيبة ان سيدنا نوح جه الارض وما فيش ولا -  
[00:11:00](#)

واحد واحد عليها. وما فيش ولا انسان نضيف. مات وما فيش ولا كافر. وما فيش ولا حالة زنا. اوعى تياأس. بنتعلم من سيدنا نوح الصمود بتتعلمي من سيدنا نوح انك تقدر زي ما رمضان اللي انت فيه الوقتي بيعلمك انك تقدر. انك عملت حاجة لا يتخيلها احد.

عشرين يوم صايمين. عشرين - 00:11:20

يوم قايمين مين اللي كان يتخيل ان الطاقة دي تخرج من الشباب؟ سيدنا نوح بيعلمنا ان احنا نقدر قبل ما نموت بازن الله. الدنيا كلها غير سيدنا نوح مدرسة اعظم نموذج اطول نموذج سبات في تاريخ البشرية. سبات وتضحية. تسعمية - 00:11:40

خمسين سنة قيام ليل. تسعمية وخمسين سنة سبات. تسعمية وخمسين سنة تضحية. تسعمية وخمسين سنة كلام عن الله. يا شباب يا شباب لو انت مشيت الوقتي على الكورنيش فيه شباب فاطر. شباب مش قادر. هو في قلبه ايمان. ما هواش معترض على دين الله.

بس يقول لك مش قادر. ده ثلاث - 00:12:00

اليوم ده رمضان ثلاثين يوم. عايزين ثلاثين يوم صيام وثلاثين يوم قيام. ده ثلاثين يوم يا اخوانا. سيدنا نوح صبر تسعمية وخمسين سنة يعني اتناشر الف شهر. احنا مش عارفين نضوم شهر واحد لله. وفي الاخر كان كل اللي اسلم معه كم واحد؟ تمانين واحد. يعني

كل اتناشر - 00:12:20

سنة واحد يعني تخيل هنعمل ايفنت هنا على السفينة هيبجي واحد بعد اتناشر سنة ايفنتات وبعد اربعة وعشرين سنة بقوا اتنين وبعد ستة ثلاثين سنة بقوا ثلاثة مرة بتكلم مع الشباب في الجامع باقول لهم يا اخوانا ده فيه واحد صاحبي لقي اتنين شباب ماشيين

فضحك معهم وقال لهم ما تيجوا - 00:12:40

ونصلي وخط ايده على كتفنا وايده الثانية على كتف ده. دخلوا صلوا معه. شاب جاي جديد ولسه ملتزم جديد. سخن. نزل ثاني يوم في الجامعة كان من جامعة بنها نزل ثاني يوم في الجامعة فرايح يصلي الظهر لقي اتنين اصحابه ماشيين خط ايد على الكتف ده

وايد على الكتف ده. انتم واخديني فين؟ انتم واخديني عشان اصلي؟ يلا نصلي - 00:13:00

قام بص له قالوا له ايه يا اهل انت! ايه يا عم انت ما انتاش فاهم ولا ايه! وقاموا سايبين وماشيين! ساب الالتزام بعدها! عشان كلمة

ما قدرش يستحمل كلمة - 00:13:20

سيدنا نوح تسعمية وخمسين سنة سبات. ما قدرش يستحمل كلمة. شباب كثير اوي. اكبر سبب لعدم التزامه. بنات كثير جدا. اكثر سبب عدم التزامها ليس نقص الايمان. وانما الخوف من انهم يسمعوا كلمة سخرية. كلمة تسعمية وخمسين سنة دعوة. تسعمية

وخمسين - 00:13:30

صبر واحتمال زي النبي عليه الصلاة والسلام يدعو الى الله ليل نهار في مكة. يطردوه يروح الطائف. يمشي ميت كيلو متر على رجليه.

على رجليه. كان عنده كم في الوقت ده عليه الصلاة والسلام - 00:13:50

خمسين سنة كان عنده خمسين سنة ولكن جولة واحدة النبي عليه الصلاة والسلام عملها جولة واحدة مشي فيها ميت كيلو متر على رجليه وراح ثمانية وعشرين قبيلة ولف على البيوت في الطائف عليه الصلاة والسلام. سيدنا نوح النماز العزيمة النماز الجبارة في

الوصول الى الله سبحانه وتعالى - 00:14:02

سيدنا نوح مش فيه توب ثاني العشر تيام اللي احنا داخلين عليهم. سيدنا نوح التوب فايف اعلى خمس عزائم في تاريخ البشرية سرية اعلى نموذج في حب الله. مدرسة في حب الله. موقف يزلزل القلب. وسيدنا نوح واقف. هو من اول العزم من الرسل -

00:14:22

وتسعمية وخمسين سنة خدمة في دين ربنا. وايمان جبار. ولكن ده ضناه. ده ابنه. ابنه لحمه ودمه اللي واقف دلوقتي ومش راضي يركب معه السفينة الابن واقف وبيقول له ما فيش حاجة اسمها طوفان ولا في حاجة اسمها اله ارسلك. والاب نبي موقن ان ابنه

هيخلد في جهنم - 00:14:42

يغلق عليه تابوت في في قاع جهنم ويخلد. لو فضل في الموقف اللي هو فيه. والطوفان بدأ يشتد. والماية بدأت تنهمر. والينابيع بدأت تتفجر وهو بيناديه وهي تجري بهم في موج كالجبال ونادى نوح ابنه وكان في معزل يا بني اركب معنا ولا تكن مع الكافرين -

00:15:02

يا ابني اركب معنا. انت الوقت بينك وبين الخلود في جهنم لحظات. انت بينك وبين انك تضيع فرصتك الوحيدة. واملك الوحيد في

النجاة لحزات اركب معنا ولا تكن مع الكافرين. كان قدام ابن نوح انه لازم ياخذ قرار فوري. لان الموضوع ما كانش خلاص فيه امهال.  
اركب معنا ولا تكن مع الكافرين - [00:15:22](#)

سأوي الى جبل يعصمني من الماء نفس الهم اللي كان في قلب نوح على ابنه. نفس النار اللي كانت متقدة في صدره. هو نفس الهم الدور اللي في قلوبنا واحنا شايفين الشباب الوقتي يا اخوانا بعضهم بيفطر في نهار رمضان. واحنا شايفين محلات عصير ومطاعم في بعض اماكن من القاهرة. الناس - [00:15:42](#)

ادي كأن احنا لسنة رمضان لسة ما وصلناش. ودا مش اكثرية. ولا حتى اقلية. ولكن موجود. ما كانش موجود. نفس النار اللي في قلوبنا. واحنا بنمد ايدي للشباب ونقول اركب معنا. ما فيش نجاة غير هنا. كل اللي برة هيغرق. ولكن نفس النار كانت في قلب سيدنا نوح عليه الصلاة والسلام - [00:16:02](#)

بيقول له سأوي الى جبل يعصمني من الماء. يا ابني ده مش الماية. ده ربنا. انت هتقف في وش مين؟ سقاوي. لو شربت ترامادول يعصمني من الاكتئاب شهاوي الى موقع آآ اباحي ولا مقاطع على اليوتيوب تعصمني من التوتر والضيق. سأوي مين اللي قال لكم ان انا محتاج - [00:16:22](#)

مين اللي قال لكم انها لازم اتدين عشان ابقى سعيد؟ عندنا فنوات وكليات وشواطئ وفنادق ونوادي نسك ونوادي رقص. عندنا كل حاجة وهجيب كليين حلويين كده يونسوني وبيذلوني هاعمل كل حاجة. مين اللي قال لك ان انا لازم عشان ابقى سعيد لازم اركب معكم. قال لا عاصم اليوم من امر الله الا من - [00:16:42](#)

وحال بينهما الموج فكان من المغرقين. منزر رهيب. وسيدنا نوح يببص قدام عينه. والموج بيبلع ابنه. والموجة طلعت ودن وراها نزلت وابنه مش موجود. خلاص ابنه الوقتي زمانه بتمسه النار. سيدنا نوح قلبه قلب اب. مش قادر غصب - [00:17:02](#)

عنه قلبه قلب اب بيقول ونادي نوح ونادي نوح ربه قال رب ان ابني من اهله وان وعدك الحق يا رب ده لحم ودم يا رب. ده ابني يا رب. ده ضنايا يا رب. اصبر ازاى وضنايا هيخلد في جهنم. اصبر ازاى وضنايا هيبقى من اهل النار ابد الابدين. اصبر - [00:17:22](#)  
ان ابني من اهلي وان وعدك الحق. قال يا نوح انه ليس من اهلك. انه عمل غير صالح. انت المفروض يكون الحب اللي في قلبك لله اعلى من الحب اللي في قلبك لابنك. اعلى من الحب اللي في قلبك لاي حد. سيدنا حنظلة بن عامر بن ابي عامر. كان ابوه ابو عامر الفاسق. اللي كان بيحاول يقتل - [00:17:42](#)

سيدنا النبي في غزوة احد وهو حنظلة غسيل الملائكة في غزوة احد. اللي يوم الدخلة يوم الصباحية نزل يجاهد مع النبي عليه الصلاة والسلام في غزوة احد. ده الابن غسيل - [00:18:02](#)

الملائكة وده الاب ابو عامر الفاسق لعنه الله. في نفس المعركة عقبة ابن ابي وقاص كان بيحفر للنبي حفرة في غزوة احد عشان يقتله. وسعد ابن ابي وقاص اول واحد اخو عقبة ابن ابي وقاص كان واقف في ظهر النبي عليه الصلاة والسلام يحميه. الاتنين اخواته الاتنين في قلب المعركة. وده بيدافع عن - [00:18:12](#)

النبي وده بيحاول يقتل النبي عليه الصلاة والسلام. مشاعر مشاعر. سيدنا نوح مدرسة في حب الله. مدرسة عشان كده في الاخر قيل يا نوح بسلام منا وبركات. تسعمية وخمسين سنة خدمة في العبودية لله. ولكن اللي قلبه استحب الكفر على الايمان. اللي قلبه جحد نعمة ربنا - [00:18:32](#)

الانسان اللي بيكره اللي خلقه لازم لو ابنك لو مهما كان مشاعرك ناحيته خلاص حب الله اولي. سيدنا نوح عليه الصلاة والسلام مدرسة في الثقة بالله. مدرسة في السقة يا جماعة. سيدنا نوح صدى له اوامر كثيرة من الله سبحانه وتعالى. اوامر كثير من ربنا سبحانه وتعالى - [00:18:52](#)

صدرت لسيدنا نوح وسيدنا نوح نفزها كلها. ولكن فجأة يصدر امر لا يتخيله انسان. سيدنا نوح عايش في بيئة كلها صحراء وجبال. كلها فجأة يصدر امر يا نوح ابني سفينة. يا رب احنا لا في بلد - [00:19:12](#)  
على بحر ولا في بلد على نيل عشان السفينة تمشي فيها. ولا يا رب احنا في بلد زراعية عشان الاقي خشبة ابني به سفينة. ابني فينا

نوح سيدنا نوح يمتسل يزرع الشجر ويقعد سنين لحد ما الشجر يكبر ويبني السفينة وكلما مل مر عليه ملاً من قومه - [00:19:30](#) سخروا منه. تخيل بقى تمانية وعشرين قناة تكسوه. قاعدين يسخروا من سيدنا نوح عليه الصلاة والسلام. وقاعدين يشوهوا صورته. وآآ السفينة اخبارها ايه يا نوح؟ ربنا قال ان السفينة دي هتبقى في يوم من الايام مصدر النجاة الوحيد في الحياة. مصدر النجاة الوحيد على وجه الارض. يا سلام - [00:19:50](#)

ربنا اللي انت جاي من عنده قال لك ايه كمان يا نوح؟ وكلما صغت استمرار مر عليه ملاً من قومه سخروا منه، قال ان تسخروا منا انا نسخر منكم كما تسخرون. قمة الثقة في الله. وقمة اليقين في الله سبحانه وتعالى. سيدنا نوح تسعمية وخمسين سنة يا جماعة. تسعمية وخمسين سنة بس - [00:20:10](#)

قد ايه شغال في الدعوة يعني؟ بقى لك قد ايه ملتزمة يعني؟ اكبر داعية في مصر بقى له كم سنة يعني؟ اكبر عالم في الكرة الارضية طلب العلم كم سنة يعني؟ عملنا ايه - [00:20:30](#)

احنا ما نجيش اقزام جنب هزه النمازج يا اخواننا. ما تجيش حتى اقزام تسعمية وخمسين سنة. ما فيش يوم فيها ما نزلش يشتغل في الدعوة الى الله سيدنا نوح اعظم قصة رحمة ودعوة في البشرية كلها. ربي اني دعوت قومي ليلا ونهارا. تخيل لما - [00:20:40](#) ما الهم اللي في قلبك على هداية الناس. يخليك مضى عهد النوم. يخليك خلاص. وربنا جاب الليل قبل النهار. يعني الليل مكان النوم والروح مش عارف انام يا رب. ما عدتش عارف انام من الهم اللي على الناس. عارف تتجافى جنوبهم عن المضاجع. انك تجري ان الهم اللي في قلبك على الدعوة. على هداية البنات. على - [00:21:00](#)

انقاز البنات من عذاب الله. لو اعرضوا عن الله ان الهم اللي في قلبك هم الدعوة يوصل لدرجة انك ما انتاش عارف تمام. وبيقول رب اني دي صيغة التوكيد هو ربنا يعني انت متأكد لربنا ليه؟ ما ربنا يعلم. لأ ده صيغة هم. ده من المرار اللي في قلبه. وهو بيقول لربنا وقد اضلوا كثيرا - [00:21:20](#)

شوفوا للاسف نجحوا يا رب. للاسف نجحوا يا امة محمد. شوفوا عدد الشباب اللي بيسمع للهضبة والكنج وليالي جولف بورتو وعدد الشباب اللي بيسمع دروس دينية دلوقتي. شوفوا عدد الشباب والبنات اللي قدام القنوات بتاعة الكليات وعدم الشباب اللي قدام القنوات - [00:21:40](#)

شوفوا عملوا ايه. شوفوا غيروا الواقع ازاى. الممسلة اللي تابت ولبست الحجاب. راحوا يقولوا لها مين اللي قال لك ان ده حجاب اصلا! على فكرة ايه! الباروكة ادي حجاب زي السيدة فاطمة بنت النبي عليه الصلاة والسلام بالزبط. لو انت لبست باروكة ووقفتم تمسلي بها انت لابسة حجاب عائشة بنت ابي بكر الصديق زوجة النبي عليه الصلاة والسلام - [00:22:00](#)

وتصدقهم وتلبس الباروكة على انها الحجاب. مش عايزين يسيبوا حد. وقد اضلوا كثيرا. ربي انهم عصوني ما رضوش يا رب. ما رضوش يبجوا يا رب ما رضوش يمشوا في طريقك يا رب. ما رضوش يسمعوا كلامي عنك يا رب. ربي اني دعوت عشان انا وانت وانت نقول دعوت يا جماعة - [00:22:20](#)

دعوت دي يعني ايه؟ يعني انا مسلا سافرت مسلا الساحل الشمالي وبادعوك انك تيجي. يبقى ما دام دعوت يبقى لازم انا اكون موجود في المكان اللي بادعوك ليه يبقى قبل ما نقول للناس حبوا ربنا لازم نحبه احنا الاول. قبل ما نقول للناس اشتاقوا للجنة لازم نشتاق لها احنا الاول. انت مشتاقة للجنة! انت مشتاق للجنة - [00:22:40](#)

يا اخوانا ربنا بيقول جنة عرضها السماوات والارض. العلماء رصدوا في السماء الدنيا ربعمية مليار مجرة. عدد البشر من ادم ليوم القيامة ما يجيبوش ربعميت مليون بني ادم. يعني لو كل البشر دخلوا الجنة مش بعث النار يا ادم تسعمية تسعة وتسعين في الالف. لو كل البشر دخلوا الجنة كل واحد هيبقى نصيبه قد ايه - [00:23:00](#)

مجرة يعني ايه مجرة؟ مجرة التبانة الصغنة النونو ديت اللي حاجة صغنة وسط المجرات متين مليار نجم. الشمس اللي قد الارض مليون وتلتميت الف مرة بنجم واحد. الكرة الارضية دي ايه بقى؟ تخيل ده ممكن يبقى ملكك في الجنة. ده ممكن يبقى ملكك في الجنة. مش جنة عرضها السماوات - [00:23:20](#)

مش المفسرين قالوا ان اول ما بتدخل الجنة الملائكة بتأخذك الف سنة تفرجك على النعيم بتاعك. الف سنة؟ اه. اه. يبقى اقل اهل جنة نعيمة لمين؟ رجل يؤتى اعظم ملك من ملوك الدنيا يعني قد ملك الدنيا كلها. ومثل ومثل ومثل وعشرة - [00:23:40](#) امساله. خمسين مرة قد الكرة الارضية. لا يا رب ده كتير اوي. انا مستحيل اصدق ان الاخير على الجنة هياخد خمسين كرة ارضية. ده انا بقول لك ممكن تاخذ مجرة - [00:24:00](#)

ممكن تاخذ متين مليار نجم الكرة الارضية ديت ملايين المرات اصغر نجمة قدها واكبر منها بملايين المرات. يعني الجنة يا اخواننا مشاعرنا متحركة ولا لا؟ رب اني دعوت. دعوت لازم نحس بالمعاني دي الاول. لما الصحابة تمنون الموت العالم كله اتكسر قدامهم ليه؟ لان هو - [00:24:10](#)

اللي بيتكلم عنه. مصدق المشاعر اللي بيدعوا الناس اليها. كنت باكلم واحد من الشباب. باقول له انت عارف امتى المغني الفلاني يتوب على ايديك؟ لما يقينك في اللي انت عليه - [00:24:30](#) يبقى اعلى من يقينه في اللي هو عليه. هو من ورا الحفلات خد شهرة وخد معجبات وخد معجبين وخد ملايين وخذ انت يقينك انك خدت اكثر منه هو اللي هيكسره قدامك. انك تبقى مصدق ان اللي ربنا اداه لك اكثر من اللي هو خده من الطريق بتاعه. ربي اني دعوت قومي ما سبتش - [00:24:40](#)

واحدة يا رب ما سبتش ولا شاب ما سبتش ولا جامعة ولا معهد. ولا مدرسة سانوي ولا اعدادي. ما سبتش ولا نادي. ما سبتش ولا شلة ماشية في الشارع ولا واحد ماشي لوحده. ولا واحد ماشي مع واحدة. ما شلتش يا رب! دعوت قومي كلهم ليلا ونهارا. فلم يزداهم دعائي الا - [00:25:00](#)

فرازا. دعاء ده كلمة واحد قلبه ملهوف. قلبه يا ابني انت بتجري ورا سراب. نهيت النار. يا عم انت اللي خانقني. يا عم انت عدو دينتي عشان كده لم يزداهم دعائي الا فرازا. الشباب بيهرب من الدعاء الى الله. وبيهرب من سماع الدعوة الى الله. كانه بيهرب من اسد هيفترسه. لانه مش فاهم - [00:25:20](#)

بيتهيا له ان الدين جاي عشان يخنق متعته. مش فاهم ان الدين هيزود متعته وهياخد دنيا واخرة. فلم يزداهم دعائي الا فرازا واني كلما دعوتهم كلما صفة استمرار دعوتهم لتغفر لهم. جعلوا اصابعهم في اذانهم. تخيلوا يا شباب كده انا داخل اعمل لكم جولة. انا داخل - [00:25:40](#)

دلوقتي وانتم واقفين كده ومش قاعدين في درس ديني. تخيلوا بقى المكان كله معاصي. وانا داخل اقول لكم ربنا قام جاي يقول ايه هو وجيه يا عم اهو وحاطط ايديه في ودانه ودي تقول يا عم خنقتنا بقى وتقوم مغطية عينيه مش عايزة حتى اشوفك - [00:26:00](#)

هو ايه ده! واصروا واستكبروا استكبارا. عارف لما تدخل على شاب بتكلمه عن ربنا يقوم مشغل الشاشة بتاعة العربية على افلام وحشة ويقوم مطلع سيجارة ملغمة عشان تشم ريحتها نتعامل بسرعة كده بازن الله سبحانه وتعالى. الشباب يتكحط كده. ربنا يبارك فيكم ويحفزكم يا رب. ربنا يجوزكم يا شباب. ما تقول امين يا عم ده انتم - [00:26:20](#)

صايمين يا عم وجعكم مستجاب يا عم. مش شايف البنات بتصرخ وبتقول امين اهو. بس في سرها. ربنا يجوزكم يا رجالة يا رب. فلم يزداهم دعائي الا فرازا. وربنا نجح كل اللي في سانوية عامة يا رب. وربنا ينجحكم جميعا يا رب. اللهم امين. زمان ثلاث تربعكم يا عيني طلبة مستنيين النتيجة. ولا ايه يا رجالة؟ ربنا يجوزكم - [00:26:40](#)

وينجعكم ويهدينا جميعا بهداه يا رب. اللهم امين احنا صائمين ودعاءنا ان شاء الله مستجاب بازن الله بوعد من الله سبحانه وتعالى. واني كلما لتغفر لهم. جعلوا اصابعهم في اذانهم. استغشوا ثيابهم اصروا. اصروا الشاب احيانا لما يبقى عايز يطفش اللي جاي يكلمه عن ربنا يعمل كل - [00:27:00](#)

كل المعاصي اللي هو يقدر عليها قدامه او واحد داخل يتكلم في مقهى يقوم ويشغلوا له افسد قناة. ويعلوا صوت الاغاني. ليه؟ يا عم امش بقى. يا عم امش وارحمننا. تخيل لو انا داخل عليكم وكل الناس عملت معي كده. هيجي لي نفسيا ان انا ادخل تاني. سيدنا نوح

كده تسعمية وخمسين سنة. هو ده الهم! هو ده الصدق - [00:27:20](#)

هو ده الناس اللي عايزة ربنا. هي دي الناس اللي مصدقني في اخرة. هي دي الناس اللي مشاعرها ملتهبة. في قضية الدعوة الى الله. لو انت قلبك مش ملتهب في قضية - [00:27:40](#)

الدعوة الى الله. عايز تبقى مع سيدنا نوح في الجنة ازاى؟ وبابه؟ واصروا واستكبروا استكبارا. ثماني دعوتهم جهارا. نزلت لهم الشوارع يا رب ثماني اعلنت لهم رحمتي يا رب زي الاخ اللي قطع تزكرة الدكتور ودخل بيقول له ما لك؟ قال له انا مش تعبان انا جاي اكلمك عن ربنا. واسررت لهم - [00:27:50](#)

اصراراً. قلت يمكن مستكبرين او مكسوفين فت عليهم في بيوتهم يا رب. فقلت استغفروا ربكم. قلت لهم هو انتم خايفين من ربنا ولا ايه؟ هو انتم مش عايزين تمشوا ورا طريق - [00:28:10](#)

ربنا ايه؟ خايفين خايفين منه ليه؟ ده ربنا غفار. طب يمكن خايفين منه احسن الدنيا بتاعتكم تضيع. يرسل السماء عليكم مدراراً. وين باموال عايز ذرية خد عايز فلوس خد عايز سعادة خد عايز اموال خد عايز ايه ربنا عارض عليك كل اللي انت بتعصيه عشان تاخده ما لك - [00:28:20](#)

لا ترجون لله وقارا ما لكم؟ سيدنا نوح بيقول للناس ما لكم؟ ما لكم؟ ما لكم لا ترجون لله وقارا؟ نفسي نعلقها قدام كل نادي نفسي معلقة قدام كل جامعة. نفسي نعلقها قدام كل مكان بيعصى الله فيه. ما لكم لا ترجون. لله وقارا. سبحانه وتعالى. يفضل سيدنا نوح - [00:28:40](#)

تسعمية وخمسين سنة يا جماعة. تسعمية وخمسين سنة على هذا الترتيب. تسعمية وخمسين سنة كل قضيته ان ربنا يرضى عنه. وانه ينال رضا الله سبحانه وتعالى الكلام ده كان ايام سيدنا نوح. للأسف يا شباب اللي بيحصل الوقتي مش كده. للأسف انت لما بتنزل ما بتلاقيش الناس بتديك زهرها. ولا اصروا واستكبروا - [00:29:00](#)

ولا تلاقي حد بيستغشي سيابه. نزلنا الجولات الايام اللي فاتت دي نازلين على كافيته. منزر البنات اللي بتشد في الشيشة المنزر يخلع قلبك. المنزر والله العزيم يخلع قلبك. داخل على داخليين على شلة شباب. خلاص بقى شلة الشباب دول يعني ايه؟ المفروض هيتقفلوا - [00:29:20](#)

اربعة منهم كانوا بيظفروا معنا امبارح. الله! يعني يعني ايه؟ يعني مين اللي انت كلمته وكسفتك؟ مين اللي انت كلمتها باسلوب فيه رحمة وحنان وكنت سامعة درس من دروس الوعظ قبلها بحيس انك تبقي ممتلئة بالمعاني وانت بتكلمها وقلبك مشحون بالايمان وكسافة مين؟ مين؟ قهوة تانية - [00:29:40](#)

ويعني سبحانه الله واحد اتصل بنا قال لنا يا جماعة القهوة سمعتها وحشة. سمعتها وحشة. نزلنا نتكلم مع صاحبها. صاحبها قرر يشيل البنات من القهوة ويشيل الشيشة من القهوة. ويخلي الترتيب هو ايه ده! هو الناس بتتغير! الناس بتتغير. بس مين اللي بينزل؟ كل البنات اللي برة - [00:30:00](#)

مممكن يتغيروا بس انت كلمتي كم واحدة. انت من اول ما رمضان بدأ وانت ما بين التراويح والتهدج وختم القرآن. وبتفكر الوقت تعتكف ولا هتقضي الليل بس في العشر الاواخر في المساجد. فكرت تاخذ حد معك؟ فكرت تكلمي اختك. فكرت تكلمي بنت خالتك. فكرت تكلم والدك ووالدتك. فكرت تكلم - [00:30:20](#)

فكرت تكلمي جارتك مين فينا افكرت الناس يا جماعة؟ داخليين على شلة اربعة بيشربووا مخدرات في عربية في مكان موبوء اي حد يخاف يدخل فيه الاربعة بدأوا يبكوا وثلاثة منهم التزموا. ايه ده! ثلاثة بيشربووا مخدرات! ايوة يا جماعة! الدنيا سهلة والله العزيم. الناس - [00:30:40](#)

لازم على نفسها. الناس نفسها في حد ياخذ بايديها. بيقول لك الالحاد انتشر. والبتاع انتشر. والمش عارف انتشر. ماشي يا سيدي. فيه معاصي فيه معاصي. فيه مشاكل في مشاكل. ولكن الاغلبية الكاسحة بتمد ايديها. عايزة حد يرحمها ويكلمها عن ربنا. عايزة حد ياخذ بايديها. عايزة حد في قلبه - [00:31:00](#)

يتكلم عن الله. انت قبل ما تلتزم اتكلمت عن المغني اللي بتحبه ومليت الدنيا كلام عنه. واتكلمت عن الفريق اللي انت بتشجعيه ولا الفريق اللي انت بتشجعه ومليت الدنيا كلام عنه. وبعد ما التزمت ما بتتكلمش عن ربنا ليه ؟ ما بتحوش زي ما كنت بتحب المغني زمان ولا كنت بتحب لعيب الكورة زمان قبل ما - [00:31:20](#)

التزم انت كنت اللي بتحبه بتقلده في لبسه في الوانه في شعره. بعد ما التزمت بتقلد النبي عليه الصلاة والسلام قد ايه ؟ بتقلد اصحاب النبي عليه الصلاة والسلام قد ايه - [00:31:40](#)

يا اخوانا احنا فعلا عندنا المشاعر ديت ولا لا ؟ سيدنا يروح مدرسة في اليقين لما تحط قدامك ايتين. الاية الاولانية مما خطيتهم اغرقوا والاية الثانية يرسل السماء عليكم مدرارا. سيدنا نوح بيقول لهم اللي هيعصي ربنا هيخسر دنيا واخرة. واللي هيطيع ربنا - [00:31:50](#)

السما بكل الخير اللي فيها ما اتخلقش غير عشانه. هيتنزل الخير عليه. هيتنزل الخير وهيملى حياته. مصدق ؟ عندك يقين ؟ عندك يقين عندك يقين عندك يقين ده اقسام برب العزة. والله لو اليقين ده في قلبك بس. ولا يوجد يقين غيره. لو اليقين ده في قلبك انت - [00:32:10](#)

اقعدي على باب عبادة الله للنهار. لو اليقين ده مالي قلبك. يقين ايه ؟ يقين ان سبب الدنيا هو الطاعة. ان سبب الفتح هو الطاعة كل يوم هو في شأن. كل يوم ربنا في فتح اللي هيركب سفينة نوح. كل يوم هينزل عليه فتح. انا يوم ما التزمت والله يا اخواني. لم اكن اتخيل ان انا - [00:32:30](#)

خد من ربنا اللي انا خدته في طريق الدين. ان انا هاخذ من ربنا الصحة اللي ربنا ادها لي في طريق الدين. والسعادة اللي ربنا ادها لي في طريق الدين. كنت مرة في طب - [00:32:50](#)

العين يدوهم ندوة وشاب بعث له كنت بتكلم عن السعادة. شاب بعث لي قال لي بالله عليك اللي انت بتقوله ده انت عايشه! بالله عليك انت بجد سعيد؟ يا نهار ابيض يا اخوانا يا نهار ابيض يا اخوانا مش مصدقين ربنا فيه ناس شاكة في وعود ربنا للدرجة دي ؟ لو انت مصدق ان الطاعة سبب السعادة - [00:33:00](#)

والله ما تهبطل طاعة. لو انت مصدقة ان الرزق ان الجواز ان الانجاب ان ان الشفاء ان الكرامة عند الله ان الدنيا والاخرة بسبب الطاعة. والله ما تبطل طاعة. اهل المعصية عندهم يقين في المعصية. عنده يقين وهو متعزب وهو بينتحر - [00:33:20](#)

وهو قدامه اربع تلاف واحد زيه بينتحرروا كل يوم. وهو بينام اربع ساعات على السرير يتقلب من الاكتئاب اللي عنده. ومصدق ان المتعة في المعصية. ومش عارف ان المتعة اخر السعادة. همتع عيني وهابص لواحدة حلوة. همتع ابني ودني وهاسمع اغنية ولا كليب. انما همتع قلبي بايه ؟ ما فيش غير طاعة الله. ما فيش غير كلام - [00:33:40](#)

سبحانه وتعالى مصدقين لما كنت ببص لمنزر لعيب الملائكة. لعيب ملاكمة بيموت. كسب الخصم بتاعه ونيمه في الارض. وواقف بقى ببص للناس كده ها منظره في عيني وهو بينهج كده. والناس واقفة تسقف له وتهيص له. وهو بيموت. وما حدش عارف. وقاعد يبص لهم وهو بيحتضر وما حدش عارف - [00:34:00](#)

عارف مفاجأة اتهد على الارض. وفجأة نزل ميت في لحزة ياما ياما ناس في لحزة. يا الموت بيخطفها فجأة. ياما بيستنى عقوبة دنيوية بقى لو ما استناش للاخرة. طب نعمل ايه؟ طب نركب السفينة ازاى؟ طب نركب سفينة الامان ازاى؟ نركب سفينة نوح ازاى؟ نتوب لربنا توبة نصوح ازاى يا جماعة - [00:34:20](#)

غير تغيير حقيقي ازاى ؟ ستيف جوبز لما جا له كانسر بنكرياس ساب ابل ابل. ابل اللي تساوي سطيف جوبز وستيم جوبز يساوي ابل. لما جا له كانسر بنكرياس واحد لما خطيبته وقعت في النيل وماتت رمى نفسه وراها. واحد لما خسر فلوسه في البورصة انتحر. انتحر. واحد في قرية جنبنا في المنصورة - [00:34:40](#)

آآ معمل عمل تخفيض خمسين في المية على التحاليل. انا اما ارواح احلل بقى فيروسات الكبد بالمرة بقى واسترخاص. طلع عنده فيروس سي من الرعب والهلع مات. بعد فضل فرع لحد ما مات بعد ايام. ده كل دول حصل لهم كده ليه صدمة؟ صدمة من صدمات

الدنيا. امل صدمات يوم القيامة هيبقى شكلها ايه؟ امل اللي هيتصدم - [00:35:00](#)

في الاخر هيبقى شكله ايه؟ عايزين فعلا نتوب؟ عارفين الحل ايه؟ عايزين فعلا نركب سفينة النجاة. عارفين الحل ايه؟ التوب تاني. الحل العشرة الاوائل اخر ايه! اي والله والله العزيم العشرة الاواخر دي فرصة مهولة فرصة عمر للتغيير. ياما ناس اتغيرت فيها. فرصة عمر للوصول لربنا. فرصة - [00:35:20](#)

عمر للعتق من النار. فرصة عمر للتغيير. فرصة عمر للحسنات. عارفين ليلة القدر بس يا شباب؟ ليلة القدر بس. صفحة القرآن بميت ختمة قرآن الحزب بالف ختمة قرآن. الخمس اجزاء بعشر تلاف ختمة قرآن. يعني صفحة قرآن بميت ختمة قرآن. اضرب في ستين - [00:35:42](#)

الف حسنة. اضرب في ستين الف مكاملة صلة رحم بستين الف ومكاملة صلة رحم. الساعة هم تمن ساعات كلهم اللي بتمانين سنة عبادة. الساعة بعشر سنين عبادة عبادة قارن ان الزمان يتحط في ميزانك في تمان ساعات. خير من الف شهر خير من الف شهر اعتكاف. وعبادة مستمرة يعني خير من الف رمضان - [00:36:02](#)

يعني كل ليلة بميت رمضان نضيع الفرصة ازاي؟ نعمل ايه؟ نعمل ايه عشان وقتنا انتهى؟ نعمل ايه؟ روتة عمل ايه؟ العشرة الاواخر نعمل فيهم ايه؟ واحد تحري ليلة القدر. اوعى تضعيها. اوعى تضعي جبال الحسنات اللي ربنا مديها لك. النبي عليه الصلاة والسلام بيقول من حرم خيرها فقد حرم الخير كله. كله. اتنين طلغ الموبايل بتاعك. طلغ - [00:36:22](#)

اطلعي الموبايل بتاعك. عارف الموبايل بتاعك ده؟ الموبايل ده خلى طريق الجنة اسهل ما يكون وطريق النار اسهل ما يكون. ضربة زرار تدخلك الجنة وضربة زرار تدخلك النار. ضرب الزرار ادخل على جوجل بسيطة جدا. بتحب مين؟ بتحب الشيخ عمرو زكي اكتب عمرو زكي. ها عايز تسمع عن ايه؟ العادة السرية اكتب العادة السرية - [00:36:42](#)

بس جو هتلاقي قدامك اللي انت عايزه. بتحب مين تاني من آآ من الناس اللي بتدعو الى الله؟ اي داعية حب من الشيخ محمود المصري. اكتب محمود المصري بتحبي تسمعي له ايه؟ الحجاب. اكتب الحجاب. جو. خلصت. ضرب الزرار. ضرب الزرار. او يوتيوب وضرب الزرار. هتلاقي نفسك خلاص في سكة تانية - [00:37:02](#)

بالزرار. موبايلك ده طريق للجنة الوقتي او طريق للنار. هتستغله ازاي؟ الصحبة الصالحة يا اخوانا. ما تخرجوش من العشرة الاواخر من التوب تن من غير صحبة صالحة. اجيب الصحبة الصالحة - [00:37:22](#)

واحد داخل سايبير لقي واحد قاعد مهووس ايه يا ابني؟ قال له انت مين؟ قال له انت بتعمل ايه؟ قال له باكلم ستاشر بنت في وقت واحد. ده انا عندي اربع - [00:37:32](#)

عيان لو بقوا خمسة اتلخبط في اسمائهم. ستاشر بنت في وقت واحد الصحبة الصالحة. اللي عايز يكلم بنات عارف هيروح يقف في شارع ايه. او قدام سنتر دروس ايه هيلಾಗಿ ازاي؟ وهيتكلم ازاي؟ اللي عايز يجيب جرعة مخدرات بيحبها. مهما كانت صعبة. مهما كان نوع المخدرات شاحح بيعرف يجيبها. طب اللي عايز - [00:37:42](#)

مصالحة يجيبها مين؟ المساجد مليانة. المساجد مليانة اعتكافات ومليانة مصلين ومليانة عمار بيوت الله. ما تخرجيش من العشر الاواخر من غير صحبة. ما تخرجش من العشرة الاواخر من غير صحبة صالحة. جمعية خيرية تلضم معها. موقع نت اسلامي تشتركي في فريقه. صحبة الطريق واضح. الطريق مرسوم يا اخوانا. التوبة النصوح - [00:38:02](#)

اتوب ازاي؟ انا راجل ماشي بالعربية حوت في طريق غلط. وعرفت ان فيه عصابة هتطلع علي هتقتلني. اول خطوة هفرمل. اول خطوة لازم تفرمل. الشاب اللي يقع في الزنا. النبي عليه الصلاة والسلام بيقول آآ اتاني اتيان فقال لي انطلق. فمررت بنساء ورجال عراة في تنور. رجال ونساء عراة في - [00:38:22](#)

الفرن ده عزاب القبر ده ده تحت الارض. وكلما اتى الله الضواء يعملوا ضواء كل ما النار تقوم هب فيهم. فقلت ما ها من هؤلاء؟ فقالوا لي الزنا والزواني. ده ده زنب من الزنوب. شباب كتير بقى بيوقع في الزنب ده. انا باقعد مع شباب. والله العزيم بيكلمني عن الزنا. والله كانه كسر اشارة مرور - [00:38:42](#)

وهي غلط بس يعني ايه كأن في تعبير الناس دلوقتي كده واحد عدى اشارة مرور كده وعدت معه بس حاجة كده ما هوش قادر

يتخيل يعني ايه جريمة يهتز لها عرش الرحمن - [00:39:02](#)

التوبة النصوح. الصحة الصالحة. موبايك استغله. هيفرق معك اوي في دينك. وفي تدينك. العشر الاوائل. تحري ليلة القدر ما انتيش

قادرة تعتكفي العشرة الاواخر ما انتاش قادر تعتكف العشرة الاواخر خلاص يا سيدي افطر في بيتك وانزل اقعد في الجامع لحد

الفجر. خلاص تبقى وسط الليل كله. تبقى قاعد في الليل كله - [00:39:12](#)

وفي بيت ربنا انما اقل من كده يا جماعة احنا بنضيع فرص خطيرة. لو واحد دخل مسجد من قرن قعد معتكف فيه. وانت جيت فزت

بليلة الواحدة انت هتحصله. صافي عمرك لو عشت سبعين سنة خمس سنين عبادة. ليلة القدر بتلاتة وتمانين سنة. يعني قد صافي

عمرك في العبادة عشرين عمر. في ليلة واحدة - [00:39:32](#)

تسبق عشرين عمر قد عمرك. مين يضيع الفرصة دي؟ ومين يضيع ان تفتير صايم؟ يبقى بستين الف تفتير صايم. مين يضيع فرصة

كلهم عشر ليالي والتوبتين هيروحوا. عشر ايام تحدي. عايزين ناخذ في العشر تيام دول عشرة على عشرة. عشر تيام ممكن يفرقوا

في العتق من النار - [00:39:52](#)

اخر ليلة فيهم بس في العشر الاواخر يعتق فيها قد اللي اعتق في رمضان كله. في اللي اعتق رقابهم من النار ربنا يبارك فيكم وربنا

يحفظكم. انا سعيد باللقاء الاولاني لنا مع بعض. ان شاء الله لسة لنا تاني لقاء مع بعض امتى؟ ان شاء الله. بعد الفطار ايه يا شيخ؟ لما

نفتير. واحنا بناكل كده ان شاء الله بازن - [00:40:12](#)

لكن لو نبدأ نتعرف على بعض. وده بقى يدينا حنة فرخة وده يدينا حنة لحمة كده يعني. يعني لازم ايه يعني ما هو يقول لك اقرب

طريق الى قلب شيخك معدته. انا اخوك يعني مش شيخك - [00:40:32](#)

حاجة بس ايه يعني لازم نلاغي كده يا رجالة برضه ونعرف ايه الاخوات بقى ربنا يبارك فيهم يعني عايزين يكسبوا بقى قلوب الدعاء

الى الله كده ونعمل ايفنتات كتير. كل واحدة تتبرع بورك - [00:40:42](#)

كده ولا اي حاجة ونقوم ايه ونقوم موزعين على اخوانا العاملين للدعوة في هذا المكان ربنا يحفزكم ولسه بعد كده ان شاء الله لقاء

مفتوح مع الاسئلة اجابات نفتح قلوبنا لبعض ربنا يبارك فيكم وربنا يحفزكم وربنا يتقبل صيامكم وقيامكم وربنا يبارك لنا في العشر

الواخري يا رب. ويجعلها خير ايام مرة - [00:40:52](#)

في حياتنا سبحانك اللهم وبحمدك اشهد ان لا اله الا انت استغفرك واتوب اليك - [00:41:12](#)